

E FAAPEFEA ONA POTO I LUMA O LE ATUA

O fea la e sau ai le poto? o fea fo'i le nofoaga o le malamalama? Ma sa ia fai atu i le tagata, Faauta, o le mata'u i le Alii, o le poto lea; ma o le alu ese mai le leaga o le malamalama lea. IOPU 28:20, 28



O le mata'u i le ALI'I o le amataga lea o le poto;
SALAMO 111:10

Ona ou iloa ai lea o le poto e sili i le valea, e pei o le malamalama e sili i le pouliuli. Failauga 2:13

O le poto e fa'amalosia ai e popoto e sili i tagata malolosi e to'asefulu o i le 'a'ai. Failauga 7:19

Afai ua leai se poto i so outou, ina ole atu ia i le Atua, o le foai tele mai i tagata uma ma le le toe tautaua; ma o le a tuuina atu ia te ia. Ae ia ole atu ma le faatuatua, aua le masalosalo. Auā o lē masalosalo e tusa ia ma le peau o le sami 'ua sousou i le matagi ma felafoa'iina. Aua le manatu lena tagata na te maua se mea mai le Alii. O le tagata fa'alua e lē mautū i ona ala uma. IAKOPO 1:5-8

O ai 'ea le tagata poto ma 'ua maua le poto 'iā te 'outou? ia faailoa mai e ia i le amio lelei ana galuega ma le agamalu o le poto. A o le poto mai lugā, e muamua ona mamā, e filemu, e agamalu, e gofie, e tumu i le alofa ma fua lelei, e lē faailoga tagata, e lē faagutugutulua. IAKOPO 3:13, 17

O le mata'u i le ALI'I o le amataga lea o le poto;
FAATAOTO 1:7

Amuia le tagata na te maua le poto, ma le tagata na te maua le malamalama. FAATAOTO 3:13

Lo'u atalii e, afai e te talia a'u upu, ma natia a'u poloaiga faatasi ma oe; 'ina 'ia e ua'i atu ai ou taliga i le poto, ma 'ia e fa'atatau i lou loto i le malamalama; Ioe, afai e te alaga atu i le poto, ma sii a'e lou leo mo le malamalama; 'Āfai 'e te sālili 'iā te ia e pei o le ario, ma e sālili 'iā te ia e pei o se 'oloa lilo; 'Ona e malamalama ai lea i le mata'u i le ALI'I, ma e maua ai le poto o le Atua. Auā e foa'iina mai e le ALI'I le poto; Na te teuina le poto mo le tagata amiotonu; Na te leoleo i ala o le faamasinoga, ma leoleo i le ala o lona au paia. 'Ona e malamalama ai lea i le amiotonu, ma le fa'amasinoga, ma le tonu; ioe, ala lelei uma lava. FAATAOTO 2:1-9

Ia maua le poto, ia maua le malamalama; 'aua fo'i ne'i liliu 'ese i 'upu a lo'u gutu. 'Aua 'e te tu'ulafoa'iina o ia, 'ona fa'aolaina ai lea e ia 'iā te oe; O le poto o le mea sili lea; o le mea lea ia e maua ai le poto: ma o mea uma e te maua ia maua mai ai le malamalama. 'Ia e fa'aeaina o ia, 'ona fa'asilisili lea e ia 'iā te oe; E avatu e ia i lou ulu le teuteu lelei; FAATAOTO 4:5-9

O le mata'u i le ALI'I o le amataga lea o le poto;
FAATAOTO 9:10

E fai le mea leaga i le vale; O le gutu o le tagata amiotonu e tupu mai ai le poto; FAATAOTO 10:23, 31

A o’o mai le fa’amaualuga, ‘ona o’o mai ai lea o le mā; O
lē ua leai sona poto, ua ‘ino’ino i lē la te tuaoi;
FAATAOTO 11:2, 12

E viia le tagata e tusa ma lona poto; FAATAOTO 12:8

E na o le faamaualuga lava e tupu ai le misa;
FAATAOTO 13:10

O le valea o le fiafia lea i lē ua leai sona poto; O le
mata’u i le ALI’I o le a’oa’oga lea o le poto; e muamua
fo’i i le mamalu le loto maulalo. FAATAOTO 15:21, 33

E sili atu le lelei o le mauaina o le poto nai lo o le auro!
ma ia maua le malamalama e sili ona filifilia nai lo le
ario! FAATAOTO 16:16

O lē na te maua le poto, e alofa o ia i lona lava agaga;
FAATAOTO 19:8

Faatau le upumoni, ma aua le faatau atu; atoa ma le
poto, ma le faatonuga, ma le malamalama.
FAATAOTO 23:23

O lē ‘ua mana’o i le poto e fa’afiafia o ia i lona tamā;
FAATAOTO 29:3

O le sasa ma le aoaiga e maua ai le poto;
FAATAOTO 29:15